



*Senin, 03 Mei 2021*

**Ogen: Kuan-kuanen 12: 9**



**Ngemo ndatken nakan**



Lit kalimat bijak amin gia bernada selentingen contohnya: "Bergayalah sesuai kemampuanmu!" entah pe "Semakin besar pendapatanmu, jagalah agar tidak semakin besar biaya hidupmu." Duana kalimat enda situhuna bermakna pengajaren. Ngajarken kerna pengaturen sikap nggeluh, ngasup ngeriahken uga litna. Kalak si ngasup ngeriahken kegeluhenna eme kalak si meteh ngataken bujur man Tuhan. Enterem jelma la nandai ise dirina, ia terpengaruh kubas gaya hidup ibas zamanna, padahal gaya hidup si bage lenga bo pantas guna idalankenna. Janah labo ngena ate Dibata.

Pengajaren ibas oratenta emekap pentingna bekerja keras guna ncukupken keperluan nggeluh. Ibas terjemahen si debanna ituriken kerna pendahin sekalak juak-juak, eme suruh-suruhan si erdahin alu tutus sebab si lit ibas ukurna gelahna ulih latihna e banci ipakekenna ras keluargana. Kalak si erdahin alu tutus eme kalak si tersilahi arah pengaruh-pengaruh nggeluh *hedonis* (medoni/ sikap hidup berlebihan).

Meteruk ukur ndauh ulin asangken mpeganjang ukur. Ngenan ate Dibata kempak kalak si meteruk ukur, nandai dirina ise ilebe-lebe Dibata asangken kalak si ngagahken kai si lit ibas dirina bahkan lupa kai si lit ibas dirina e rehna ibas Dibata nari. Biak si kuga nge kita sedekah enda moria? Me si nandai banta ise dirinta ilebe-lebe Dibata nge? Me kita nge moria-moria si ngasup engkuasai dirinta guna erdahin alu tutus gelah tujunna ermulia gelar Tuhan dengen cukup keperluan geluhta?

Ibenaken alu kesadaren kerina si lit ibas kita rehna ibas Tuhan nari, sikataken bujur man Tuhan ibas dampar siapai pe pendahinta paksa enda. Sipernehen kecibal ntah pe situasita gelah kita pe ngasup makekenca alu payo kinilitenta e. Labo beliganna tapi kuga kita makekenca bagi ngena ate Dibata.